

Chindoto na Amaroro

Esabato, 8.10.2016

Obochenu ase Omotongi O Kare na Kare!

CHINDOTO NA AMARORO

na

Jeanine Sautron

EKANISA YA FILADELFIA,

“ENTIGARI”

Abwo barendete AMACHIKO

a NYASAE, amo NERITUKO RIA

GATANO NA KABERE RI'ESABATO,

CHUMAMOSI,

NOKWEGENA KWA YESO.

OKWEGENA kwa YESO:

NOMOIKA

BW'OBOBANI.

(1) **YESO OOROKIRIE 144,000.**

BABEKEIRWE

EKEMANYERERIO KIA NYASAE.

YESO NGOCHICHARE !

Chindoto na Amaroro

Egesieri 521, Oborori Namba 1

OBORORI

(2) Omotomwa one agantebia, “Inchuo, ngokoiri nde togende naye. YESO nakoganyete. Nao are embeo igoro.”

(3) Inkamorora YESO, ore omonene naende oyore omonyakieni mono. Akang'arigania nobokanyeku obonene mono. Agantebia,

“Obuya bwane bwagoisanire.”

(4) Ekero namoroche YESO, tinarengere korema ng'ende ang'e mono nase are. - Agantebia, **“Toiroka.”**

(5) Ekero nanachete nobwoba obonene kogenda ang'e mono nase are, nkamanya ng'a nigo narengere komoika rikere.

(6) Nigo are omotambe, omotambe mono naende omonyakieni. Nigo nare koiguswa. — Naende agantebia,

“Aang'e ake, toiroka. Inyegene. Nao inde ang'e naye.”

(7) Inkairoka, egekogera narochere rigwamu erio riarerenge inse yane.-Agantebia, **“Inyegene,”**

“Obuya bwane bwagoisanire.”

(8) Nigo nateneine ang'e mono nase arengere ase engencho nairogete kogwa ase rigwamu eri rinene. - YESO agantebia, **“Nao ore amo nainche igoro ase eang'a ya igoro. Igoro nigo ere ekerogo/egeteni kiane. Toiroka.”**

(9) Tinare korema gotigera korwa ang'e mono na YESO.- Agantebia, **“Ndigererie. Toiroka, ndigererie.”**

(10) Nkaimokereria amaiso aane gochia igoro. Nkamorigereria. Agansasokera. Tinare korema gosuka nonya ng'ake. Nigo twarere ase amare amarito ayio arengere goeta ang'e nase tware. Ngaki ende, nigo twarere ase rirumbe rigusu.

(11) Nkaigwa embura engiya egontwera. Nigo yarere riberera. Ekero ense yaasiogete (yarabete) nkanyora, Gaki, obonene bwa igoro, naki bokabwate oboseera bokang'ana!

(12) Nigo narengere ase obotongi bwa YESO. Nkaba ntoererete. Inkarigereria erioba igoro gochia aare mono. Amare nigo arengere goichora igoro namasaaria make y'oborabu.

Chindoto na Amaroro

Egesieri 521, Oborori Namba 2

(1) YESO agantebia, **“Nigo ore aiga ase obotongi bwonsi bwa Nyasae. Rigereria gochia aare; eria nense.”**

(2) Inkarora ng'a nigo yarere ase eranda ye rimambia, na okomesa gwe chinkoba (amache) goke goke nigo kwarere komesa aiga naaria, gokoyebareria oborabu.

(3) Nkamotebia YESO, “Embura ngotwa ere igoro ase ense.” Naende nkarora omokubinyongo aare ogochaka kororekana na okoyetanana ense. Inkayorora ore aare mono.

(4) YESO agantebia, **“Nkoyotebia nde ochiche**

asetore,” ingaichana mono.

⁽⁵⁾ YESO akaimokia amaboko aye gochia ase ense. Agatebia omokubinyongo, na okamoigwera. Agantebia, “Toiroka, ngochicha ore gocha ang’e,

obuya bwane bwagoisanire.”

⁽⁶⁾ Nkanyora ng’a nigo otongetwe. Nkarora ng’a YESO amo nainche nigo twabisire ime ase omokubinyongo oyo bw’oborabu oyio bwebegete omonyene igoro ase YESO nase inde.

⁽⁷⁾ Agantebia,

“Obuya bwane bwagoisanire.”

⁽⁸⁾ Omokubinyongo oria narochere ore aare okagenderera gototuba. Nigo narenge koiguswa. Nigo kiare ekerage/egekone. Timbwati amang’ana nkwera igoro y’oboseera, igoro y’ekieni ki’obotongi bwonsi.

⁽⁹⁾ YESO agantebia, **“Imokia amaiso ao gochia igoro. Omokubinyongo nigo ore asetore igoro. Nigo ntagete orengererie igoro y’emeremo ya Nyasae, Omotongi O Kare na Kare, oyo otongete ebinto ebi, ense, risase, omotienyi, neching’enang’eni, na omokubinyongo, embura, ne chingaki.”**

⁽¹⁰⁾ Agantebia, **“Inche nigo nde Nyasae, Nyasae bw’obotongi. Tata, Inche omwana o Nyasae, nomoika omochenu.”**

⁽¹¹⁾ **“Rigereria,”** Yeso agantebia, **“Ninche nayokora ochicha aiga ase engencho yao.”**

⁽¹²⁾ Nkaimokia amaiso aane gochia igoro. Inkarora, Gaki! Nyasae one! noboseera bokang’ana naki! Noboseera bokang’ana naki! Inkaiguswa. Ngaaka egeturi,

“Obonene! Obonene! Obonene ase Yeso!”

⁽¹³⁾ Akandigereria na agansasokera. Ngakumia bosio bw’obonene obonge na oboseera. Nigo narenge ase oborabu obonene mono bw’obonene.

⁽¹⁴⁾ Naende YESO agantebia,

“Obuya bwane bwagoisanire.!”

⁽¹⁵⁾ Nkaigwa ng’a omokubinyongo oyo nigo orengere moyo. Nabo orengere kondusia obomoyo. Nigo orengere ang’e nase nde mono goikera ng’a nabo narenge koyobwata onye ndiria natagete. Korende tinare komochania nyokune. Inkaiguswa.

⁽¹⁶⁾ Nigo bwarengere oborabu obonene mono nobonene obwo bware kombarabarera. Tinarenge koyorigereria

gochia igoro.

⁽¹⁷⁾ YESO agantebia,

“Obuya bwane bwagoisanire.”

⁽¹⁸⁾ Inkaramokia. Nigo nare inse ase oborabu bw’omokubinyongo oyio obwate oborabu obonene mono.

⁽¹⁹⁾ YESO nigo andigererete na kongokera. Kera engaki nigo arengere gonsoncha. Nigo arengere ang’e nainche ase obonene obo bwa igoro, abwo bwango agantiga inche bweka ase engaki enke.

Chindoto na Amaroro

Egesieri 521, Oborori Namba 3

⁽¹⁾ Inse ase omokubinyongo oyo omonene mono oyio orengere gontuba, nkaigwa chinguru chiankeire. Nkeigwa nde buna rige ri’enyoni risinini erio ogotabereria. Ataiyo, obuya bwa Yeso botaiyo aiga kanga nigo nakwete.

⁽²⁾ Nkamanya nekerengo keng’ana naki ki’obuya obo naganetie erio mbe moyo ase engaki eye y’ogokumia mono; inche omonyabibe, omonto bw’engencho y’ebibe, kwegokia engaki eye engiya mono amo na Yeso. Nerio kegima nkamanya ng’a naki obokare na kare borabe amo na Yeso nobwanchani bwaye botambe.

⁽³⁾ Erio Yeso agachika omokubinyongo otige gontuba na ogachaka koimoka ng’ora ng’ora gochia igoro korwa asende. Okaigwera eriogi riaye.

⁽⁴⁾ Inkarora YESO okoyochika ogende. Nigo arengere ang’e nainche. Inkarigereria oboseera bwa igoro eyio ere enene mono, na oboseera bw’omokubinyongo oyo ore nechirangi chindabu oyio orengere kong’anya korwa ase okorora kwane: erangi imbariri burure, buru, machani kabichi, monyinga, morero, na mayaye. Naki bogakare oboseera bokang’ana! Omokubinyongo oyo, naki okabwate oboseera bokang’ana!

⁽⁵⁾ Inkarora omotienyi ore ekieni, omonene mono, bw’ekieni ekiya mono! Nigo narenge ase obotongi bwa Nyasae. Inkaiguswa, korende nigo nabwate obotoereru buya. — Na Yeso agantebia,

“Bwango 144,000 mbachiche na mbantunyane aande onsi ase nkogenda.”

⁽⁶⁾ Yeso akabora, **“ Kwanyorire ribaga eri ria beene ri’okorora aya iga, nyuma batararora eki obokare na kare borabe amo nainche, na amo 144,000.”**

⁽⁷⁾ Nigo namotegererete. Nigo kere egento ekiya mono komorora YESO, omotambe na oyore nokobua okonene, omwana o Nyasae, oteneine bosio bwa kera egento

atongete, nebio nigo biare komoigwera.

⁽⁸⁾ Nabororire obo kinde aang'e mono na negokirie. Kende tikeri ndarike ekio kerarwe amaereso igoro y'oboseera bw'obotongi bwa Nyasae, Omotongi O Kare na Kare. Goika bwerorere ayio ase amaroro nario oramanye obogare bw'obwanchani bwaye, oboseera bwaye, nobonene bwa igoro.

⁽⁹⁾ Yeso nigo are nekieni ekiya! Kera egento nigo gekoorokia oboseera bw'embwa yaye. Eriso nabo rikorora oboseera bwonsi na obwanchani bw'Omotongi O Kare na Kare.

Chindoto na Amaroro

Egesieri 521, Oborori Namba 4

Oborori

⁽¹⁾ Buna nagenderereta koba mbarabare na Yeso, igoro ase erioba, omwana o Nyasae, agankora nkarora gocha inse emechie emenene y'ense eye.

⁽²⁾ Yeso agantebia, **“Bwango emechie eye emenene tekobao. Nesirigwe namaakwa atano na abere (7) ayio akwanire ase *Okomaanoka kwa Yohana*. Ase amaakwa aya onsi, riakwa ria gatano na kabere (7) nario rirabe ribe mono. Emechie eye emenene yonsi nesire korwa ase ense. Nigo erasirigwe ne chisunami chire nokobua okonene, na emetengecho, nechivolikano chire ne chinguru.”**

⁽³⁾ Nigo nareng'e koiguswa. Yeso akamanya.- Agantebia,

“Toiroka.

Obuya bwane bwagoisanire.”

⁽⁴⁾ Nigo nareng'e aang'e mono ase Yeso. Ekero nateneine mbarabare ase areng'e ase embeo igoro, agantebia naende nabo agantebia botambe, **“Obuya bwane bwagoisanire.”**

⁽⁵⁾ Agantiga nkarora ensemu y'ekeraario gi'ense nekia igoro. Agakora ense egachicha ang'e ase oborori obo, na nkanyara korora korwa aaria igoro ekieni gi'ense. Nigo yare botuko; emechie emenene nigo yarabete noborabu chilifu ne chilifu.

⁽⁶⁾ Yeso agantebia, **“Goika echenwe korwa ase ebibe bia mwanabanto. Nigo ere Sodomu na Gomora.”**

⁽⁷⁾ Inkarora obwaagacho obuya bochabeire nebieniao ao.- Yeso akabora, **“Nigo bobekire eubi nokogechia gwa kera engencho. Ngochande kobochena nomorero.”**

⁽⁸⁾ Ekero narigereretie gochia ase ense, nkamanya *naki erabe* koba moyo kare na kare, komenya kare na kare.

⁽⁹⁾ Yeso akandigereria na agantebia, **“Ngochande kwoyia abwo banyanchire. Mbamenye nainche kare na kare. Mbairwe igoro batarochi amakweri, tibagokwa rinde. Buna aye, mbanayere korora ense, korende ense eyio erachenwe nomorero o **CHEHANAMU.**”**

⁽¹⁰⁾ Inkaigusigwa. Erieta chehanamu rikang'a obwoba. Nkamanya oboremu bwa Yeso. Obobe bw'abanyabibe bwaisanire.

⁽¹¹⁾ Omwana o Nyasae agantebia, **“Ngochande gosaria abanyabibe nabaria bagosaria ense. Ngochande gosiria obobe, nebibe. Saitani amo nebirecha biaye tibakobao. Omorembe na ESABATO mbiirane ase obotongi bwane.”**

⁽¹²⁾ **“144,000 babekirwe ekemanyererio. Nabasiekeire ime. Nakwo ogoteba, ebibe tibikobabuka naende.**

Omoerio obo:

**nase Nyasae,
Yerusalemu Enyia.”**

⁽¹³⁾ Yeso nigo arigereretie gochia ase ense, na agantebia igoro y'okooroka kwa 144,000 igoro ase ense bwango.

⁽¹⁴⁾ “Abange babaiga abwo barabe abamo ba 144,000 nigo bare Abayahudi baria basambetwe ime ye chi'obeni (omoro omotindi aria ase emegati ekorosirigwa), abwo Hitira asambete ime ye chi'obeni. Chiamate nchibeo amo nabana babo, abamura abasae, abagaka abagotu abwo bakwete na barabe moyo erio basangererigwe amo na 144,000. Babekirwe **EKEMANYERERIO KIA NYASAE**. Nigo babwate ekemanyererio kia Nyasae ekio getatinyigwe korwa ase bare rinde. **Omoerio obo norikire:**

**nase Nyasae,
Yerusalemu Enyia.”**

⁽¹⁵⁾ **“Baria bengaki ya Ellen White na James White mbachiche; amo nabatigari bakwete**

ekero ki'obotomwa bw'omomalaika o gatato (3). Mbaboke erio basangererigwe. Nigo babwate ekemanyererio kia Nyasae ekio getarusigwe ase bare.

Omoerio obo norikire:

**nase Nyasae,
Yerusalemu Enyia.”**

(16) “**Abatigari**”, “bare moyo abaminto b'Ekeyahudi bare ime ase ense, mbachiche. Nimbamanyete ase amarieta abo. Nabwo bare abasasimi b'ekeene B'ESABATO ye rituko ria gatano na kabere.”

(17) “**Banyorire**

EKEMANYERERIO KIA NYASAE

**igoro ase amasio
abo.**

**Babareirwe oboronge ase okoba
abaigweri b'ESABATO.”**

(18) Omonene agantebia, “**Nabasiekeire. Nigo babwate ekemanyererio kia Nyasae ekio getanyare gotinyigwa.**

Omoerio obo norikire:

**nase Nyasae,
Yerusalemu Enyia.”**

(19) “**Erio abare moyo bachiche, “abatigari” ba Filadelfia, abwo barwete ase obosaria bw'Ekanisa ya Laodekia ya abadibentista. Nigo mbamanyete ase amarieta abo.**”

(20) “**Omonene obasiekeire. Nigo babwate ekemanyererio kia Nyasae getari gotinyeka.**

Omoerio obo norikire:

**nase Nyasae,
Yerusalemu Enyia.”**

(21) **Bonsi banyorire**

EKEMANYERERIO KIA NYASAE.”

(22) “**Babekirwe ekemanyererio.**

Abamalaika ba Nyasae mbache babasangererie korwa chinsemo inye (4) chi'ense.”

Chindoto na Amaroro

Egesieri 521, Oborori Namba 5

(1) YESO nkoorokia are: Abare moyo ritang'ani.

(2) **Ritang'ani**: YESO agantebia, “**Abatigari**” abake baminto b'Ekeyahudi, abwo bare ase ense na banyorire **EKEMANYERERIO KIA NYASAE** ase amasio abo igoro. Mbabwate ekemanyererio keria etanyarekane getinyigwe. Nabwo abasasimi b'ekeene b'Oyo Kare na Kare, abamalaika mbache babasangererie korwa chinsinyo inye (4) chi'ense.”

(3) Abakabere: “**Abatigari abake ba Filadelfia.**” YESO nigo akobaroka Abayahudi ase okwegena ekiagera begenire na koigwera amaseemia onsi a YESO ase omoika bw'obobani bw'Ellen White na Jeanine Sautron. Nase okwegena babareirwe oboronge ase obotomwa bw'omomalaika o gatato (3) na oyo kane (4), na ase **okoigwera ESABATO**. Abamalaika ba Nyasae mbatomwe babasangererie korwa ase chinsinyo inye chi'ense.

(4) Abare moyo abwo barabe abamo ba 144,000, mbaetere ase amakwa amatang'ani atano na rimo. YESO akang'orokeria amakwa ayio agendererete goiterwa kera rituko igoro ase ense.

(5) Goetera ase okomaanora kwa Yeso, egati ya baria baraire ase riroba ri'ense; mbaria boka barabe abamo ba 144,000 baraboke. Abamalaika ba Nyasae mbatomwe babasangererie korwa chinsinyo inye chi'ense. Abwo kegima magega yabo, riakwa ria gatano na kabere ndiiterwe.

(6) “**Ekeru kie riakwa ria gatano na kabere nario eng'enang'eni eria ekorokwa Abisinti erache emore ense. Evolikano eria enene mono nechake emeremo. Emetengecho nebe aroro ere eye chinguru mono, ne chisunami. Ense yonsi nesarigwe. Ebisinga mbitame.**” YESO agantebia.

(7) **Igoro nkoigoka ere. Nigo kore okoirana kw'omwana o**

NYASAE igoro ase amare!

⁽⁸⁾ 144,000 Nyasae obasiekeire. Amaakwa takobakuna. Goika batigare bateneine na bamorore YESO ogocha igoro ase amare amo na abamalaika abachenu.

⁽⁹⁾

Oyo NOMOERIO BW'ENSE.

⁽¹⁰⁾ “Ekeru baria bakwete abwo barabe abamo ba 144,000 baraboke,” Yeso agantebia, “nigo bareigwe ng’a nigo bararire chitoro chia amakweri ang’e etageka eyemo.”

(11) Yeso nao are ase amare igoro! OMOERIO bw'esegi enene.

⁽¹²⁾ YESO tantebetie igoro y’omoganda omonene, *korende* nigoro y’ogocha kwaye okwo kore ang’e. Nyuma ya Arimagedon, 144,000 nao bare igoro ase ense bamorore **YESO, omoruoti bw’abaruoti**, ogocha amo na abamalaika baye, ase oboseera bwaye bwonsi.

⁽¹³⁾ Narorire omonyumi ogosoka korwa ase ekenunchi kiaye. Naki agakare omonyakieni! Yeso nigo esogete chianga chiaye chi’obonene na chire nekieni ekiya, *amo* negutwa yaye y’etahabu nenyimbo yaye y’tahabu; naki bikare ekieni!

⁽¹⁴⁾ Yeso akandigereria na agansasokera.

⁽¹⁵⁾ Omoerio bw’oborori.

Jeanine Sautron